

inde in Proregis Cameram admissus ubi primum Elizabethæ Reginae effigiem in tabula depictam vidit, semel atque iterum gladio abjecto ad pedes se advoluit, ejusque Majestati se devovit. Vnde in gratiam & inter Hiberniæ subditos receptus omne obsequium erga Reges quoscunque externos pro Tribunalibus in *Cancellaria*, & *Banco Regio* abjuravit, accepitque R. Elizabethæ munificentia quatuor territoria (*Toughes* vocant) scilicet à *Boys* flumine, ad *Ban*, *Donseverig*, *Logbil*, & *Balla-monym*, cum Præfectura Castri *Donluse* sibi & heredibus masculis de corpore, de regibus Angliæ his legibus tenenda, ut nec ipse, nec sui, nec posterius externo alicui principi sine licentia militarent, ut suos à deprædationibus continerent, ut XII Equites, & XL pedites ad quadraginta dies tempore belli suis expensis instruerent, certum numerum boum & accipitrum singulis annis Angliæ Regibus exhiberent, &c.

COMITATVS
COLRAN.



Banna flu.

Glan-Colkein.

Salmones.

O-Cahan. Vraights.

O Neali electio.

Insulani Scoti.

Ltra *Glinnes* ad Occasum sita est *Krine*, quam nunc Comitatum *Colran*, à præcipuo oppido vocant, inter *Bann* fluvium & *Lough-foile* interposita, & ab Austro Comitatu *Tir-Oen* contermina. *Bann* ille eximia (ut inquit *Giraldus*) pulchritudinis fluvius quod & nomen testatur, è montibus de *Mourne* in Comitatu *Downe* exortus in *Eaugh* sive *Lough Sidney* lacum amplum, se nomenque suum effundit, quod tamen post xxx plus minus milliaria, tantæ enim longitudinis lacus ille censetur, exiens tandem ad *Tome* castrum recipit, & sylvis coronatus superbo alveo per *Glancolkein* ubi sylvis densis, & imperviis paludibus tutissimum est Scotis insulanis & rebellibus perfugium (quod senserunt Angli qui *Surleium Boy* hic latitantem persequuti fuerunt) Oceanum petit Salmonibus totius Europæ longe fecundissimus, eo quod (ut aliqui existimant) sit omnium fluviorum limpidissimus, cujusmodi aquis Salmones unice delectantur. In hac parte, maxima auctoritate valet familia *Cahanorum*, cujus Princeps *O-Cahan*, & inter beneficiarios Magnates *O-Neali* qui *Ultoniæ* tyrannus, *V-Raights* illi vocant, primus censetur; utique qui in barbara *O-Neali* electione quæ barbaris ceremoniis in ædificato colle sub dio celebratur, honorario fungitur munere, calceamentum scilicet supra caput electi *O-Neali* projiciendi. Minori tamen ille est potentia, quam ut Insulanos Scotos cohibere possit, qui ut rei suæ domi parcant quotannis æstivo tempore è jejunis illis & infœcundis insulis ubi nil nisi fœda paupertas, huc confluant ut victum parent, intenti in *Hibernia*.

COMITATVS
TIR-OEN.



Vb *Colran* subjacet ad Meridiem Comitatus *Tir-Oen*, id est, ut interpreteris, *Terra Eugeni*, totus mediterraneus. In Solis Occasum *Liffer* flumine à *Tir-Conell*, in Ortum *Eaugh* lacu à Comitatu *Antrim*, in Meridiem *Aqua nigra* sive *Black-water* qui Hibernice *More*, id est, *Aqua magna*, à Comitatu *Armagh* determinata. Regio licet salebrosa, ferax tamen & sane ampla, quæ sexaginta milliaria longitudine, & triginta latitudine colligit, divisa montibus quos *Sliew Gallen* vocant, in Superiorem ad Septentriones, & Inferiorem ad Austrum. In hac sunt *Cloghar* Episcopatus satis exilis, *Dunganon* præcipua Comitum habitatio, quæ *Henrici Octavi* gratia titulum Baronis *Matthæo* filio primi Comitatus *Tir-Oen* fecit. *Ædes* sane elegantiores quam pro regionis more, sed quæ sæpius ab ipso Domino ne ab hoste succenderentur incendio deformata: *Vblogabell*, ubi *O-Neal* qui *Ultoniam* superbissimo premit dominatu inaugurari, patrio & barbaro illo quidem ritu inaugurari solet, & Munimentum ad *Blackwater* sive *More* flumen quod varias Martis vices subiit, cum non alius in hunc agrum rebellium perfugium, aditus pateret; nunc autem neglectum ex quo aliud inferius repertum sit vadium ad quod utraque in ripa munimenta nova posuit *Carolus Montioy* Prorex cum rebelles hac in plaga bello acriter persequeretur. Qui itidem eodem tempore aliud propugnaculum prædianum suo nomine *Montioy* excitavit ad Lacum *Eaugh* (*Lough Sidney* in honorem *Henrici Sidney* milites hodie vocant) quem Occiduum hujus agri latus claudit, & à *Bann* flumine efficit, aut multum adaugeri dixi. Lacus sane ille pulcher, egregie piscosus, & peramplus, xxx scilicet mill. pass. plus minus extentus, ut inquit ille,

Dulci mentitur Nerea fluctu.

Variaque riparum facie, nemoribus opacis, pratis perpetuo virentibus, arvis si colantur, frugiferis, collibus devexis, rivulis influentibus ad amœnitatem & utilitatem ab ipsa natura efformatus, quæ accolis quasi indignari videtur, quod per inertiam omnia barbarie inhorrescere patiantur. In *Tir-Oen* superiori est *Straban* castrum notum quod nostro tempore incoluit *Turloghus Leinigh* è familia *O-Neali* qui dignitatem *O-Neali* post *Shani* mortem (ut mox dicam) populari electione consequutus est,

Tir-Oen inferior. *Clocho-*rensis *Episcopatus*. *Dunganon*. *Baro de Dunganon*.

Fort of *Blackwater*.

Charlemont.

Lough Sidney sive *Lough Eaugh*.

Tir-Oen superiori.